

坐隱先生精訂月香亭稿

空隱先生精訂月香亭稿目錄

套數

北黃鍾醉花陰

兩順風調萬民喜

元夜

北雙調行香子

朝也相思

題情

北南呂一枝花

瘦身軀難打捱

題情

不沾朝野名

秦淮漁隱

草堂外嵐光映日妍

春日卽事

陳詩
一個擬秋娘共品題

有所贈

包含着世外情

爲妓陳卿雲賦

清風臥榻孤

關述

北仙呂八聲甘州

春光艷陽

春日詠蝶

北黃鍾醉花陰

深淺荷花二三里

夏日秦淮遊賞

北雙調夜行船

席上催花送酒籌

秋日寫懷

缺月風簾碎影篩

憶所見

太乙峰頭玉井蓮

爲妓白蓮賦

南商調山坡羊

風兒踈喇喇吹動

題情

南中呂泣顏回

天氣煖如春

冬景

小令

北水仙子帶過折桂令

閨怨

四首

題情

北水仙子

詠六樣人家

中秋

風情

南駐雲飛

題情

七首

北折桂令

思情

北醋葫蘆

美人十詠

北醉太平

冬夜

南駐馬聽

嘲風月 三首

北耍孩兒

風情 二首

北紅繡鞋

新懽

南傍粧臺

風情 四首

北胡十八

風情 四首

南黃鶯兒

聆望 三首

雜詩月夜詩稿不圖錄

風情 三首

北河西六娘子

麗情 六首

坐隱先生精訂月香亭稿

新都環翠堂藏板

套數

元夜

北黃鐘醉花陰

雨順風調萬民喜元夜好

皇都第一烟靄淡漏聲遲十二天街明皎皎如白日
樓上下路東西把萬盞花燈高掛起

南畫眉序

珠掩膜翠遮圍火樹星橋數十里喜金

吾不禁鼓吹聲齊賀堯年五穀豐登慶上苑新正佳
麗可知共樂清平世良辰媚景相宜

北喜遷鶯 值堯天新霽。剔團圓月漾玻璃交輝。冰
壺表裏。月色燈光望眼迷。端的是難下筆。一壁廂王
孫歡笑。一壁廂士女爭馳。

南畫眉序 同翫賞共追陪。月底星前恣遊戲。看鰲
山深夜萬象低垂。綺羅叢風月無邊。蓬萊境仙凡何
異。可知共樂清平世。良辰媚景相宜。

北出隊子 社火每衣冠新製。燈影下喬軀老人未
識。粧一箇姜子牙大雪釣磻溪。吊一箇杜子美騎驢
醉灤西。扮一箇蘇子瞻乘舟游赤壁。

南神仗兒 蹌蹌濟濟。塞巷填街。游人似蟻。更有百

工技藝。貨郎兒堆堆積積。萬人叢裡。層樓結勢巍巍。
香靄散影霏霏。

〔北刮地風〕

密密匝匝竹竿高百尺。花燈兒委實稀奇。

梅花燈朵朵含春意。雪花燈舞態高低。一簇簇錦雲
飄墜。一片片綵霞零碎。鳳噴烟麟吐火。滿城佳氣燭
乾坤。照四極。動仙音。絲竹金石。早梅香撲面。東風細。
呀。敢喜陽和卽漸回。

〔南耍鮑老〕

買咲追歡樂無比。唱紅兒斟綠蟻。銀箭

銅龍謾相催。拚取今宵醉如泥。儘畱連明月底。

〔北四門子〕

好風光快殺游人意。夜將闌人未歸。河

漢又傾斗柄又移。只走到鳳城雞亂啼。月色兒沉燈影兒稀。四下裡笙歌未息。

南雙闌雞。四時雖佳。上元最美。百年人能有幾客。約須還擬來朝相會。把花燈再看起。

北古水仙子。呀呀呀費品題。看看看看燈火輝煌。滿帝畿。是是是一統山河。喜喜喜萬年祥瑞。他他他衆元公能變理。見見見卿雲呈彩鳳來儀。敢敢敢見如今四方無戰敵。有有有老人星隱隱。遙天際。我我我鼓舞樂雍熙。

南尾聲。何幸臣民值今日。好風光相賞休違。太平。

人一齊歌 聖德。

題情

北雙調行香子

朝也相思暮也相思這相思了在

何時行也嗟咨坐也嗟咨怕看花羞對酒倦談詩

夜行船

覽鏡驚容鬢有絲消盡往日丰姿冷雨秋

蛩酸風梧葉攢斷起滿腔離思

慶宣和

倚遍闌干候鴈兒撚斷吟髭不見佳音半

緘至盼處盼處

錦上花

鴈帖魚牋姻緣故紙淚眼愁眉離人樣子

海誓山盟徒成廢弛雨跡雲踪全無定止

前腔 眉檐一檐愁。心印幾多事。宋玉情懷。沈約腰肢。半世清白。那曾受私。近日淒涼。分明爲爾。

撥不斷 試尋思。久參差。檐閣跨鳳。乘鸞志。收歛。龍雲。殢兩詞。咄提弄粉。搏香事。對西風。暗傷獨自。

離亭宴煞 我飽文章。頗解勤經史。你善吹彈。更喜能針指。相拋許。時空落下些斷腸篇。合歡錦。迴文字。昨夜書明傳示。寫道相逢在邇。他既不悔真誠。我須當盡終始。

題情

北南呂一枝花 瘦身軀難打捱。美恩愛多艱阻。好

功名都拚捨。鬧雲雨盡蕭疎。情興椰榆。俺這裏冷落似宋玉悲秋賦。你那里淒涼如昭君出塞圖。想殺人也可意姻緣。盼殺人也知音伴侶。

梁州第七

只落得鶯猜燕妬。枉擔閣鳳隻鸞孤。論

聰明不是個閑人物。妖嬈體態穩重規模。席前打令。

燈下撈蒲。

實指望

好恩情久遠如初。誰承望阻天涯。

信遠音疎。爲別離一更更斷夢勞魂。想別離一陣陣。

牽腸割腹。怕別離一番番截鋌埋軸。淒淒楚楚。怕的。

是畫船兒開往江心去。空作念。枉回顧。抵多少。嬌馬。

春風出帝都。千里程途。

煞尾。俺這里幾番人去。曾分付。您那里數載音書一紙無。知他那着疼熱心腸可相顧。但得你相逢呵。分福相見呵。病除得歡會平生願心足。

秦淮漁隱

北南呂一枝花。不沽朝野名。自得烟波分。斜風新簫笠。細雨舊絲綸。志訪玄真。家與秦淮近。清時容釣隱。相看着綠水悠悠。回避了紅塵滾滾。

梁州第七。結交些魚蝦伴侶。搭識上鷗鷺親隣。忘機怕與兒曹混。尋了些六朝往事。吊了些千古英冤。悲了些陳宮禾黍。嘆了些梁殿荆榛。本是箇虛飄飄。

天地開人樂。淘淘江漢逸民。有時鳴榔近白鷺洲。咲采青蘋。有時推篷向朱雀橋。閑看晚雲。有時灣船在烏衣巷。獨步斜曛。有時滿身衣襟蕭然爽。透荷香潤。旋折來柳條嫩。穿得鮮鮮出網鱗。歸去黃昏。

罵玉郎 一篝燈下。勗佳醞。身趑趄。醉醺醺。高歌細和。滄浪韻。全不受利名拘。那里將興亡記。把是麼榮枯問。

感皇恩 守着這蕭索江濱。冷淡柴門。涼露濕簑衣。清風生酒尊。明月照盤餐。樵夫野叟。相近相親。昨夜離石頭城。今朝在桃葉渡。明日又杏花村。

採茶歌

山妻也最甘貧。稚子也頗通文。無憂無慮

度朝昏。但得年年生意好。武陵何用訪秦人。

煞尾

茫茫烟水無窮盡。泛泛萍踪少定根。爲甚生

平怕求進。想王侯大勛。搏漁樵一晒。爭似我一葉江

湖釣船穩。

春日卽事

北南呂一枝花

草堂外嵐光暎日妍。粉牆邊梅萼

衝寒謝。小沼上綠波隨雨漲。畫闌前新柳受風斜。春

意奇絕。老眼偏歡悅。閑情且打疊。散床頭有限黃金。

怕鏡裡無情。

梁州第七

裁漉酒籠頭紗幘製踏青可脚烏靴與
知音三五詞林社超羣洒落異衆豪傑厭談名利不
尚驕奢喜的是一村村徑路曲折愛的是二程程風
景全別買花錢滴溜溜杖上挑着沽酒店開炒炒橋
邊問也載詩囊脹膨膨驢背上馱者看了他這些那
些翠屏錦障參差列尋疎籬覓茆舍隨定狂蜂與浪
蝶任意跋涉

煞尾

醉依芳草須拚藉咲對青山不忍的別殘角

江樓正鳴咽

却又早鴉歸古堞烟迷綠野堪付與老

手王維畫圖中寫

有所贈

北南呂一枝花。一個擬秋娘共品題。一個較張琪爭高下。一個並薛濤尤艷麗。一個比宋玉更清佳。試聽俺判柳評花。一個論厚重多聲價。一個數溫柔絕點瑕。一個平分福儘坐的香車。一個仗家勢堪乘着駿馬。

梁州第七。一個有賦長門胸中詞藻。一個有泣江州座上琵琶。郎才女貌人驚詫。一個雲鬟翠袖。一個角帶烏紗。一個錦心繡腹。一個利齒伶牙。可知道柳耆卿恣意兒嗟呀。蘇子瞻滿口兒矜誇。都不曾弄聰明。

說鬼瞞神。那里肯假志誠。燃香剪髮。更休提。虛追陪。
浪酒閑茶。恩洽愛嘉。並香肩一對兒。堪圖畫。情相投。
意相掛。百事過從。幾曾有一事兒。差那世裡的冤家。
煞尾。對楸枰。聽夜雨歡娛。不覺殘銀燭。捧瑤觴。邀
皓月。酩酊重教泛紫霞。見如今池館南風正。清夏翫
垂楊。淨露華。賞紅葵。絢錦葩。倩着這半幅鸞箋把他
來賣弄煞。

爲妓陳卿雲賦

北南呂一枝花。包含着世外情。醞釀就樽前俏。忒
玲瓏能變化。多溫潤不虛囂。一朵兒丰標。出沒應難

料形踪未可招。有時節伴銀蟾楊柳樓心。有時節籠
曉日芙蓉殿角。

梁州第七

傍綠窗遮護了些嬌鶯乳燕。襯雕盤暎

帶了些舞袖纖腰。擅梨園五彩誇榮耀。憎春烟冷淡。
咲暮靄輕薄。賽晴霞燦爛。比香霧清高。蘇子瞻助起
評跋。杜樊川惹動風騷。常則是近蓬萊郁郁葱葱。那
里也迷遠樹冥冥杳杳。又不曾戀巫山暮暮朝朝。我
這里想着念着。有千金小可難期約。那風流那輕妙。
贏得個無點污的名兒。分外標是何年飛下青霄。
煞尾 砌龍鱗張鳳翼。朱闌碧瓦高低罩。靄祥光博

瑞氣錦幃銀屏遠近飄。霎時間一陣天風送來到喜
的是聚着。怕的是散了。則待要手掌上奇擎看一個
飽。

閑述

北南呂一枝花 清風臥榻孤。細雨吟檠短。蘭香螭
鼎小。水墨畫屏攢。佳致多般。花木供閑玩。詩書得靜
觀。焦尾琴玉軫朱絃。金星硯花箋象管。

梁州第七 相對着眼前佳趣。渾忘了身外微官。湖
山左側雕闌畔。逢時取樂。對景追歡。恣情放浪。任意
盤桓。漲春池新水漫漫。滴晴堦曉露漣漣。注金瓶酒

瀉瓊漿。浮雲葉茶香碧碗。碎銀絲鱸縷雕盤。地幽興
滿。喧譁較遠。紅塵斷。儘年光暗中換。一咲掀髯天地
寬。痛飲須拚。

煞尾 竹交梅友松爲伴。心廣形舒體更胖。高臥誰
人敢驚喚。常則是與儒衣散冠。步前村後壠。一任他
興廢榮枯盡不管。

春日詠蝶

北仙呂八聲甘州 春光艷陽。正人意恹惶。花柳濃
粧。西園堪賞。步莎茵喜聽笙簧。桃花爛熳。遊客醉院
宇深沉。春晝長。見幾個粉蝶兒巧筆難粧。

泥江龍一個不離朱幌。一個舞東風上下顛狂。一個
戀餐花蕊。一個映日尋芳。一個楊柳梢頭吸曉露。一
個杏花枝上採清香。一個舞翩翩旋轉下雕闌。一個
抹薔薇困歇在湖山上。一個迎風竹徑。一個戲水池
塘。

醉扶歸。一個搜盡風流像。一個逐定買花郎。一個又
被頑童謊的慌。一個在花下偷睛望。一個搨粉翅來
尋伴當。一個綠楊枝上見黃鶯不敢輕狂。

後庭花煞。一個戀名園桃杏芳。一個怕晚天庭院涼。
一個曾入莊周夢。一個春風花草香。一個不成雙。輕

輕把翅兒展放。猛翻身飛過宋家莊。

夏日秦淮遊賞

北黃鐘醉花陰 深淺荷花二三里。彷彿似王維畫
裡涼雨過晚風微。小舫輕移。來往垂楊底。好風景喜
追陪。萬斛塵襟皆蕩洗。

喜遷鶯

人生佳會。與詞林三五相知忘機。盡都是

儒冠布衣。脾睨乾坤更許誰。解詩書。諳義禮。一會價
藏闥賄令。一會價射覆分題。

出隊子

五陵豪氣。咲談間出衆奇。一個個子瞻文

藻許相齊。

一個個司馬才華可並推。一個個杜牧疎

狂堪共比。

前腔

東吳佳麗。水雲鄉。事事宜。數行沙鳥。傍人飛。幾點征帆。帶雨歸。一片漁歌。花外起。

刮地風

多少興亡。殘照裡。鎖蒼烟。禾黍高低。慨淒涼。自古繁華地。物換星移。一處處。古臺幽砌。一簇簇。

野花荒蕪。梁家爭晉家。霸你興我廢。從前事。不索提。笑呵呵。且自斲杯。倚篷窗。遠望無纖翳。山水遶皇都。圍故國。

皇都圍故國。

四門子

列金釵。十二雲鬟立。綺羅交。珠翠圍。金縷。

又歌象板。又催樂淘淘。儘拚沉醉歸。錦瑟又彈。鳳管。

又吹一弄兒歌聲潤美。

古水仙子 將將將日墜西。見見見翻雪浪驚濤拍岸回。紛紛紛紛宿鳥飛還閃閃閃殘霞飄墜。呀呀呀兩三家半掩扉。喜喜喜儘開懷展放雙眉。來來來趣南薰暫將蘭棹艤。璫璫璫送黃昏遠寺鐘聲碎。看看看燈火見依稀。

尾聲 載酒重來是何日。重來時切莫相違。常言道。閑處光陰能有幾。

秋日寫懷

北雙調夜行船 席上催花送酒籌。儘拚爛醉金甌。

紈扇生風。單衣無暑。藕花池晚涼時候。

風入松

兩輪日月不停留。卽漸鬢絲秋。人生何苦

雙眉皺。故園回首興愁。卞祠前。荊棘梁王塚上松楸。

喬牌兒

繁華事已休。山水鎮依舊。浮雲榮辱都叅

透。因此上且收頭牢袖手。

甜水令

但得箇故舊談諧。綺羅圍繞。笙歌左右。此

外更何求。如今命運蹉跎。形骸懶散。才名卑陋。且休

題拜相封侯。

離亭宴煞

歸來又是黃昏後。月上短牆垂柳。夢初

回芭蕉響雨。夜纔深枕簟驚秋。幾件兒閑窮究。則不
如茆堂靜守。買負郭數十丘。結知心二三友。

憶所見

北雙調夜行船。缺月風簾碎影篩。碧紗厨酒乍醒
來。霧鬢風鬟。柳腰花面。多情恁時安在。

風入松

杏花深處小亭臺。猶作夢魂猜。東風邂逅

逢嬌態。麝蘭散滿。閑堦羅襪。凌波半窄。春衫可體新
裁。

落梅風

眉尖上。眼挫側。先畱下幾分恩愛。怕人知

特地。里佯不採。徐行過玉關干外。

胡十八 不下懷。自驚怪。悲間阻。想和諧。巫山依舊
楚雲埋。鴈書又乖。魚牋倦裁。一身無限愁。十日九番
害。

撥不斷 細裁劃。命合該。姻緣頃刻多成敗。鬼病千
般強打捱。淒涼萬種難擔載。幾曾得片時輕快。

離亭宴煞 楚陽臺步步荆榛隘。擔閣下兩廂情色。
相思卷何年結束。糊突謎甚日明白。傳示你權寧耐。
切莫把鰕生見責。是送暖的意見虛。非搏香的性兒
反。

爲妓白蓮賦

北雙調夜行船 太乙峰頭玉井蓮。等閑移入梁園。
繡幃遮藏。錦屏圍護。不許路人窺見。

風入松 劉郎心性與花便。獨自掌花權。高燒銀燭。
重開宴。風光壓盡桃源。烟靄輕籠婀娜。月明冷浸嬋娟。

喬牌兒 惜花人正少年。共花神恣留戀。朱顏相對
如花面。美姻緣天下鮮。

鴈兒落 花香散舞筵。花影迷歌扇。花輸才子看花。
許騷人羨。

得勝令 人是惜花仙。不恡買花錢。痛飲花前醉狂。

吟花底眠天然果遂今生願堪怜還應宿世緣

鶯鶯煞

名題月老合同券情留張珙相思卷山海

盟深膠漆心堅暢道是綠嫩紅柔香嬌玉軟兩意相
投已謝却閑鶯燕風月無邊諧老芳聲播揚遠

題情

南商調山坡羊

風兒踈喇喇吹動雨兒淅零零風

送雨兒淒楚風兒橫繡幕中燈兒一點紅燈兒照破
人兒夢夢遶巫山若個峰朦朧徘徊兩意濃匆匆歡
娛一霎空

皂羅袍

翠被今宵寒重聽蕭蕭落葉亂走簾櫳綠

雲堆枕髮鬚鬆。不知溜却金釵鳳。惱人階下。淒淒候蟲。驚心樓上。瑤瑤曉鐘。無端畫角聲三弄。

解三醒犯。最無奈漏長更永。怎支吾恨多愁冗。夜深私語無人共。他那里驟青驄。笙歌醉迎花笑擁。多應在蘇小湖頭柳市東。放情。一時間採遍芳叢。

玉包肚。音書誰送。知隔着關山幾重。見如今水闊山高。促急裡怎覓鱗鴻。寒衣費盡剪刀工。線線針針手自縫。

掉角兒序犯。一任他浮跡浪踪。終須是有個相逢。既然他能全始終。做來的儘自包籠。告神靈都無用。

捧玉鐘。流霞滿。泛親陪奉。生前共。歿後從。再把連枝種。

尾聲。寵愛深。恩情重。風流過犯。且姑容。多少閑言。過耳風。

冬景

南中呂泣顏回。天氣煖如春。東風似轉柴門。牆頭紅杏。朝來已破三分。吟魂醉鬼。誤年光。陡訝芳菲近。待攜壺慶賞佳辰。郊原外。那有遊人。

前腔。俄聞歌管在東隣。何堪舊隱。倦客孤身。年時蹀躞。軟紅十里香塵。無言自哂。對玄冥。錯把東皇認。

嘆山居冷落青尊笑豪家醉倒紅裙

普天樂 然吟髭搔吟髻細賡和逋仙韻雖然是無
雪無梅紙窗明那有纖塵寒威悄無愛銀屏燭彩斗
帳爐熏

古輪臺 怪天孫不將伎巧趁滕神浩然枉自騎驢
去梅花無信瘦聳雙肩歷遍了幽壑荒村點檢冰壺
幾宵不凍布衾何必倩人溫且新篴佳醞忘情三五
知音圍爐談笑消除閑悶盡日到黃昏虛
簷外先自湧冰輪

餘音 無眠坐數更籌盡恐有山陰乘興人分付兒

童莫閉門。

小令

四時閨怨

北水仙子帶過折桂令
牡丹爛熳綵霞濃，芍藥芬
芳，錦繡叢。海棠旖旎，胭脂重，日高時花弄影。惠風和
香透簾籠，怕看那一對對啣泥燕，一雙雙採盡蜂。
一聲聲杜宇啼紅，一聲聲杜宇啼紅，麗日遲遲，淑景
融融。恨的是孔雀屏開，鴛鴦帳冷，翡翠衾空，身倦怠
春懷朦朧。意徘徊星眼朦朧，曉睡方濃，好夢難逢。怎
禁那枝上流鶯，喚回俺一枕春風。

風吹楊柳翠簾籠。露滴薔薇錦色濃。雨淋荷葉珍珠
迸。倚闌干。心事冗。嘆園林。慘綠愁紅。畫閣十分靜。紗
厨一半空。恨靈犀一點難通。○恨靈犀一點難通。倦
挽烏雲。恨對青銅。雪體香消。花容粉淡。釧脫金鬆。聽
的那雛燕飛愁。添萬種新蟬鳴恨。有千聲。寶鴨塵濃。
翠帳烟濃。難熬的是暑氣炎光。怕的是永日薰風。
金風吹滅。芰荷凋。玉露添黃。楊柳焦。銀霜壓血。丹楓
落。浙零零。梧葉飄響。珊珊翠竹。蕭蕭雲鬢。飛無心掠。
柳眉輕不待描。最傷情涼夜迢迢。○最傷情涼夜迢
迢。玉兔寒生。金鴨香消。粉澹盈腮。花容寂靜。翠戶蕭

條聽的那江鴈。叫心如刀攪。望見那賓鴻過。腹似針挑。煩惱難熬。怨恨難消。愁轉難聽。業眼難交。

園林處處放瑤花。殿閣層層鋪玉瓦。江山一帶如圖畫。似嫦娥將粉灑。白茫茫一色無瑕。冷氣侵烏綾被。朔風透錦繡櫺。最淒涼凍鵲寒鴉。○最淒涼凍鵲寒鴉。畫角聲殘。華鼓頻過。雲暗銀蟾。風吹鐵馬。香爐金鴨。怎禁那繡簾外。稠簌簌如蜂採花。綠窗前亂紛紛似鴈行沙。心似針扎。肉似刀割。紅爐中炭盡烏金。銀臺上燒殘絳蠟。

題情

北水仙子帶過折桂令 並頭蓮池上錦鴛行連理
木枝間彩鳳鳴。合歡花樹底青鸞寧。永團圓伉儷情。
爲知音所事皆能。可意的逢着可意。志誠的遇着志
誠。聰明的伴着聰明。○聰明的伴着聰明。各辦堅心。
共結芳盟。爲你性格溫柔。言談俊雅。體態娉婷。我子
道風流地。重生個小卿。誰承望綺羅叢再長個鶯鶯。
儘自今生久遠看承。愛惜你花朵般身兒。受用那錦
片似前程。

詠六樣人家

北水仙子

纖柔玉手微紅牙。漱澀金杯泛紫霞。榮

煌燭燒銀蠟。下珠簾。開繡榻。擁瓊簪。珠履交雜。怕黃鳥驚春睡。怪蒼頭報早衙。是恩榮。宰相人家。

種成瓊島四時花。煉就丹爐九轉砂。買來粉面千金價。說陶朱不是假。占梁園。金谷奢華。金美米餐佳釀。坐香車。乘駿馬。是風流富貴人家。

老翁商賈作生涯。稚子詩書度歲華。山妻紡績供婚嫁。幾昇平。諳禮法。官司上不甚大差。罰今日醒明朝醉放些頑。撒會耍。是尋常百姓人家。

紫貂韉。鞞手中拿。錦雉翎毛頭上押。毫猪尾。鬣門前掛。慣飛鷹能走馬。花桑弓。鑕鐵叉。山澤部供輸納。虎

狼叢成戲耍。是山村打獵的人家。

鐵蒺藜鋪地。不堪躑。連珠砲當場一覓打。青絲網截路常時掛。湯搗着不是耍。紫檀槽翠袖紅牙。花簇簇迷歸鴈。柳行行遮過馬。是章臺歌妓人家。

扁舟常是釣蒹葭。草履何曾到縣衙。杖藜隨處看禾稼。簌青袍籠白恰。客來時一盞清茶。香滿爐。書千卷。月當窗。雲半榻。是山林處士人家。

中秋

北水仙子

有花無月月含羞。有月無花花帶愁。花

香月滿誰能勾。幾年無今歲。有謝嫦娥青影相留。人

有意分靈藥。月多情。憐皓首。自明朝醉過中秋。

風情

北水仙子。常開笑口杜分司。慣斷柔腸韋刺史。能垂慧眼蘇學士。不知音誰到此。落幾篇風月詩詞。無愁酒終朝醉。買花錢逐日使。有青樓知趣名兒。

題情 七首

南駐雲飛。錦瑟淒涼。擘破雲鬟金鳳凰。楚岫雲遮障。洛浦生烟浪。無計訴衷腸。枕上思量。月又穿窗。風又掀羅帳。着甚支吾此夜長。

杏臉桃腮。展轉思量不下懷。新月疑眉黛。春草傷裙。

帶_嗒獨坐小書齋。自入春來欲待看花。反被花禁害。
情思昏昏眼倦開。

靜掩重門。只見飛花不見人。詩也難傳恨。酒也難消。
悶_嗒無計可留春。怕到黃昏。香盡熏爐。獨自誰耽問。
翠被生寒壓繡裯。

悶倚闌干。燕子鶯兒怕待看。色戒誰曾犯。鬼病誰經。
慣_嗒書寄兩三番。得見艱難。再倩霜毫寫一紙。喬公。
案滿紙春心墨未乾。

沉醉京華。脫却鸛裘付酒家。剡水船難駕。灞岸驢難。
跨_嗒明月照窗紗。獨抱琵琶。天氣如春。此景真堪畫。

昨日街頭賣杏花。

數盡歸鴉。你在何處貪歡未到家。月滿荼蘼架。人在垂楊下。唵。一時閒想着他。把情牽掛。直到如今。想起當初話。一半真情一半假。

夜半涼生。銀燭秋光冷畫屏。滿月天街映。一水銀河清。唵。枯葉下空庭。玉漏三更。懶換爐香。笑把紅兒倩。臥看牽牛織女星。

思情

北折桂令

可人心。年小嬌娃。百件風流。所事撐達。眉蹙春山。眼橫秋水。鬢綰雙鴉。乾相思撇不下。一時

半尺人間如隔着海角天涯瘦也因他病也因他
誰與俺成就了姻緣便是那救苦難菩薩

美人本詠

詠髮

北醋葫蘆 木犀油 櫪涼的光 薔薇露滋潤的美
青絲半嬋綠雲垂若是向玳瑁筵前穩坐地雲鬟高
髻將一枝寶花斜插最相宜

詠眉

前腔 喜孜孜樽席前曲彎彎粧鏡裏把黛煤輕掃
出香閨感春色若將心事擬題起那別離滋味鎖雙

賦愁蹙的遠山低

詠眼

前腔 轉雙眸明似星。溜秋波嬌欲滴。怎當那送春情。一咲萬金值。若還是半醉朦朧初睡起。雨雲歡會放也。錯先把角兒垂。

詠口

前腔 綻櫻桃紅半分。吐幽蘭香暗襲。笑談中出落着玉粳齊半啓。朱唇將甜唾啣。央及一會。唱一闌縷金歌聲。過的碧雲迴。

詠臉

前腔 憶香腮悲與歡想芳容嗔共喜他若是淡粧
濃抹總相宜酒席上若還多飲了數杯看他這俊龐
兒標致恰便似曉霞烘春透一枝梅

詠手

前腔 數歸期屈指尖似柔荑偏細膩鳳仙花紅染
的玉纖齊若還是慢理着冰絃在星月底把瑤琴相
對見了些露春葱舒玉笋拂金徽

詠足

前腔 蕩湘裙半北慳蹴金蓮雙鳳嘴窄弓弓三寸
兒步輕移他便是躑遍了香塵不見跡也子是天生

的可喜將他那繡鞋兒堪做個暖金杯。

詠乳

前腔 紗厨中午睡醒。晚涼天新浴起。恰便似紫葡萄寒沁玉冰肌。到晚來半露着酥胸。在鴛帳裏略嘗些風味。怎當那軟柔柔香馥馥好東西。

詠腰

前腔 逞風流一捻兒。顯妖嬈嬌媚體。恰便似擺春光弱柳。任風吹不似你愛他。呵在人前誇大嘴。便有個玉天仙出世。看了他輕歌妙舞。有誰及。

詠寢

前腔 赴陽臺雲雨期。殢芳情春意美。一會家也斜
着星眼皺着雙眉。直等的粉臉上溶溶香汗濕。嬌羞
無力。那溫存那摺惜那昏迷。

冬夜

北醉太平 似無若有。欲去還留。彩雲飛影度西樓。
伴襄王一宿。髻兒鬆恍的釵兒溜。酒兒酸逗的眉兒
皺。燈兒紅照的臉兒羞。未曾開口。

嘲風月 三首

南駐馬聽 錦陣花營。小可人兒不敢行。一須穩重。
二領差罰。三要實成。郎君切莫強風情。女娘自有痴

心病休論休爭。投機可意由人性。

滿腹才學。風月場中用不着。人來客往。暮送朝迎。米
長柴高。聰明子弟莫鬧嘲。常言難使無錢使。錦繡窩
巢李郎不到張郎到。

說起當家。柴米油鹽醬醋茶。勞勞攘攘。絮絮聒聒。切
切巴巴。指鹿道馬。坐三衙。並無一句溫柔話。兩鬢霜
華。土來頭上誰不怕。

風情 二首

北耍孩兒 我和他身如此。自魚情同錦水鴛。百年
和美成姻眷。開開東閣看歌舞。悶向西樓列管絃。貪

歡宴受用些金釵十二紅粉三千。

只因咱風流情興多功名心較遠強爭春引惹得蜂蝶怨暫留月館風亭內醉傍紅裙翠袖邊看了這桃花面因爲俺一時間恩愛成就了五百載姻緣。

新歡

北紅繡鞋原不慣星前月下乍禁持雨困雲乏被東風吹綻牡丹芽柳眉輕減翠雲鬟亂堆鴉風流病直害殺。

第四首

南傍粧臺

執銀燈青蛾紅臉咲相迎禮數兒忒欽

敬滿口兒叫先生不肯放些空行坐裏跟隨定纔相見無半頃無情說出許多情

對銀燈金杯滿泛手高擎向耳畔叮嚀道一分酒一分情連央了十餘盞盞兒吃乾淨拚沉醉不放醒今宵好歹要完成

剔銀燈燈前越看越分明則管裏貪歡咲樵樓上打三更心已在陽臺上佯推着不答應羅幃下鴛被整口兒雖強脚先行

滅銀燈枕邊悄語更低聲我嚙他舌尖唾他喚我小時名務盡了歡娛興便拚了風流命情偏熱嬌太逞

手兒無力腿兒疼。

風情 四首

北胡十八 美名兒常在心。那一自恰相見燈影下
酒筵前。臉兒微笑眼兒涎。走在我耳邊說三言兩言。
也不索央外人各自要取方便。

經了些苦折磨。受了些惡埋怨。實指望要團圓。口兒
雖許性兒偏。海神王案前發些兒呪願。但有個負心
的。也要他做證見。

百般的定計謀。一些兒犯苗稼。他因我我因他。前緣
前世俏冤家。刀刃曾手拏。火坑曾腳踏。鍼尖般小心。

兒縱的有斗來大

纔說些好話兒。烘的早臉兒變。道不本分使閑錢。服低做小索從權。跪在面前。曲膝似軟綿。所事兒不敢說。一千個可憐見。

盼望 三首

北胡十八 相會了半霎兒。作念有百千遍。情勾引。意牽纏。粉牆高處是青天。又無多近遠。望的人眼穿。日日有虛信兒。不能勾見一面。

眼皮兒恰待合。好夢兒難成就。聽更鼓數更籌。青鸞無信入紅樓。新月兒半鉤。印紗窗上頭。沉沉梅影兒。

彷彿似玉人瘦。

又不曾得甚的。心兒裡苦牽掛。今夜晚會巫峽。清晨
盼望眼巴巴。倩幾個晚鴉。把金烏送下。這恁反日頭
長的來忒稀詫。

風情 三首

南黃鶯兒。眼裡抹張郎。是誰家窈窕娘。弓鞋淺
印殘紅上。臉兒又淡粧。口兒裡噴香。多情見了。魂飄
蕩。惱柔腸。一時半晌。留下個錦香囊。

一見了也留情。口不言心自省。平白惹下相思病。佳
期又未成。虛耽着污名。老天不管人孤另。對殘燈。入

場價睡醒。糊突夢欠分明。

清減了。小腰圍。翠裙寬。不趁體帶兒扣兒鬆。鬆繫不待喫飲食。怕沾着枕席。靈丹妙藥難醫治。這場疾。生爲你。暫口兒不曾提。

麗情

六首

北河西六娘子。金釵兒斜插着海棠花。你看他眉掃黛。鬢堆鴉。喜孜孜。困倚鞦韆架。美臉兒烘霞。忽地玉生瑕。絕勝西施醉館娃。

牡丹春占斷了。萬花叢端的是花。比貌玉羞容。紫檀槽慢撥。蛾眉綜。十指露春葱。催上五花驄。好似昭君。

出漢宮

大人家風範有誰如。更那堪知法解詩書。與知音行
到無人處。口兒裡長吁。欲語又躊躇。待學文君未駕
車。

翠裙輕束着。小蠻腰說不盡一團兒美妖嬈。香羅扇
半掩朱唇笑啓。一點櫻桃。難畫又難描。說甚楊妃上
馬嬌。

天生下一捻兒玉娉婷。都道是能傾國又傾城。乍相
逢。問不的名和姓。笑臉兒春生。閑把畫欄凭。比那觀
音少淨瓶。

繡鞋兒沁濕了露華涼。收拾起禁步玉玳瑁。悄行來
拜月瑤階上。告一會宵蒼。私語損柔腸。彷彿鶯鶯燒
夜香。

精訂月香亭稿終

精訂月香亭稿終

美

環翠堂